

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**JP "Međunarodni aerodrom Tuzla"d.o.o.**

Broj:01/I-1201- 12 /23  
G.Dubrave, 13.09. 2023.godine

Na osnovu člana 69. stav 1. tačka a) i člana 70. Zakona o javnim nabavkama BiH (Službeni glasnik Bosne i Hercegovine broj: 39/14 i 59/22), te prijedloga Komisije za provedbu postupka javne nabavke na JP „Međunarodni aerodrom Tuzla“d.o.o., u ime uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

**ODLUKU**  
**o izboru najpovoljnijeg ponuđača**

**I**

Ponuda ponuđača **4K & ROYAL d.o.o. LUKAVAC**, za ponuđenu cijenu od **52.925,88 KM** bez PDV-a proglašava se najpovoljnijom, te se imenovanom ponuđaču dodjeljuje Ugovor o nabavci **radova na rekonstrukciji i vizuelnoj identifikaciji portirnice** na JP „Međunarodni aerodrom Tuzla“ d.o.o..

**II**

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**III**

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

**IV**

Ova Odluka stupa na snagu danom donošenja, i objavit će se na web-stranici: [www.tuzla-airport.ba](http://www.tuzla-airport.ba) u skladu sa članom 70. stav 6. Zakona o javnim nabavkama.

## *Obrazloženje*

U postupku javne nabavke pokrenutom Odlukom o pokretanju broj: 01/I-1201/23 od 11.08.2023.godine, rok za dostavljanje ponuda bio je 30.08.2023.godine do 09:00 sati, te na javnom otvaranju održanom 30.08.2023.godine u 09:30 sati, u prostorijama JP „Međunarodni aerodrom Tuzla“ d.o.o., Komisija imenovana Rješenjem broj: 01/I-1201-8/23 od 30.08.2023. godine, je kontaktirala sljedeće:

U roku za dostavljanje ponuda pristigle su četiri ponude i to:

- 1) Ponuda broj 01/I-1201-3/23 firme ELEKTROCENTAR PETEK d.o.o. Tuzla u iznosu od 54.621,88 KM bez PDV-a
- 2) Ponuda broj 01/I-1201-4/23 firme FENES-BH d.o.o. Živinice u iznosu od 54.915,50 KM bez PDV-a
- 3) Ponuda broj 01/I-1201-5/23 firme METAL Z d.o.o. Zavidovići u iznosu od 54.125,50 KM bez PDV-a
- 4) Ponuda broj 01/I-1201-6/23 firme 4K & ROYAL d.o.o. Lukavac u iznosu od 54.999,80 KM bez PDV-a

Ponude su blagovremeno zaprimljene i uredno zapečaćene, što je konstatovano Zapisnikom o zaprimanju ponuda broj 01/I-1201-7/23 i Zapisnikom sa otvaranja ponuda broj 01/I-1201-8/23 od 10.07.2023.godine. Komisija je pristupila otvaranju ponuda, te konstatovala:

- 1) Ponuda 1 sadrži sve tražene dokumente. Ponuđena cijena iznosi 54.621,88 KM. Uvidom u dostavljenu potvrdu banke o solventnosti utvrđeno je da navedeni period obuhvata 10.08.2022.-10.08.2023.godine te ne ispunjava uslov iz tenderske dokumentacije gdje se traži solventnost za period od 11.02.2022.-11.08.2023.godine. Komisija je jednoglasno konstatovala da je ponuda 1 dostavljena od ponuđača koji ne ispunjava uslove kvalifikacije i kao takva je neprihvatljiva.
- 2) Ponuda 2 ne sadrži Izvještaj o računima poslovnog subjekta, kao ni Potvrdu o solventnosti. U prilogu 1 Obrasca za dostavljanje ponude nije navedeno ime ponuđača i ID broj. Dostavljene Izjave po članu 45. i članu 52. nisu ovjerene od nadležne institucije. Dostavljeni aktuelni izvod iz sudskog registra nije ovjeren od strane nadležne institucije. Komisija je jednoglasno konstatovala da dostavljena ponuda ne ispunjava uslove za kvalifikaciju te je kao takva neprihvatljiva.
- 3) Ponuda 3 sadrži sve tražene dokumente. Uvidom u izjavu po članu 47. Zakona utvrđeno je da je u izjavi naveden pogrešan broj nabavke obavještenja objavljenog u službenom glasniku. Komisija takođe kontaktuje da sažetak obavještenja nije objavljen u službenom glasniku, kao i da se prema navodima i datumu izjave može zaključiti da se pomenuta izjava odnosi na predmetni postupak te ova informacija ne utiče na prihvatljivost ponude. Komisija je jednoglasno konstatovala da je ponuda prihvatljiva.

4) Ponuda 4 sadrži svu traženu dokumentaciju. Dostavljena dokumentacija ispunjava uslove propisane tenderskom dokumentacijom. Komisija je jednoglasno konstatovala da je ponuda prihvatljiva.

Nakon pregleda i ocjene ponuda komisija je utvrdila sljedeću rang listu prihvatljivih ponuda:

- 1) Ponuda firme Metal Z d.o.o. Zavidovići u iznosu od 54.125,50 KM
- 2) Ponuda firme 4K & Royal d.o.o. Lukavac u iznosu od 54.999,80 KM

Dana 04.09.2023.godine zakazana je e-aukcija u skladu sa utvrđenom rang listom prihvatljivih ponuda sa početkom u 11:00:00. Prema Izvještaju o toku i završetku e-aukcije, aukcija je završena u 11:22:00 sa konačnom rang listom:

- 1) 4K & ROYAL d.o.o. LUKAVAC sa ukupnim umanjnjem cijene od 3,77 % iznosi 52.925,88 KM bez PDV-a
- 2) METAL Z d.o.o. ZAVIDOVIĆI sa ukupnim umanjnjem cijene od 2,12% iznosi 52.980,00 KM bez PDV-a

Slijedom svega navedenog Komisija je jednoglasno konstatovala da su ispunjeni uslovi za izbor najpovoljnijeg ponuđača, te predložila Upravi ugovornog organa da donese Odluku o izboru najpovoljnijeg ponuđača za nabavku radova na rekonstrukciji i vizuelnoj identifikaciji portirnice na JP "Međunarodni aerodrom Tuzla" d.o.o., i Ugovor dodijeli firmi 4K & Royal d.o.o. Lukavac, a u skladu sa članom 69. Stav 1. Tačka a) Zakona o javnim nabavkama.

Na osnovu prijedloga Komisije za provođenje postupka javne nabavke za nabavku predmetnih radova na JP „Međunarodni aerodrom Tuzla“d.o.o., donesena je odluka kao u dispozitivu.

**PRAVNA POUKA:** Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

**Dostavljeno:**

1 x Ponuđačima

1 x Evidenciji

1 x a/a



**DIREKTOR**

*Dževad Halilčević*  
**Dževad Halilčević**